

娛

親

雅

言

娛親雅言序

以說部爲體不取冗散無用之言取古經史子集類分而枚舉其所知以爲書在宋莫著於困學紀聞當代莫著於日知錄近日好學之士多有效之者而莫著於吾友嚴君九能娛親雅言余嘗以爲學者記所心得無忘所能可以自課可以持贈同人莫善於是顧爲之者其弊有二一曰好爲異說一曰勦說雷同皆中無所得藉是邀名自謂知古學而已聞之東原師曰知十而皆非真知不若知一之爲真知也洞

徹其本末勢剖其是非覈諸羣書而無硤反之吾心而怙然一字一句之安妥亦天地位萬物育之氣象也九能所說皆得諸真知故近以自娛娛親遠以娛人渙然冰釋怡然理順其傳世行後無疑也夫人有心得之處超乎古人者必恨古人不我見抑余以爲古人有言有爲未嘗不思後之人處此必有善於我者未嘗不恨後之人不可見也困學紀聞一書近儒何義門閻百詩全謝山錢曉徵皆爲補闕糾繆日知錄亦多有經近人是正者伯厚亭林捉筆時豈不知

有此乎豈不歎惜其不可見乎今九能之書有同志
諸友梁曜北徐新田許周生臧在東輩皆爲之摩
商權力爭銖黍夾注於行閒此又不俟後之人爲之
伯厚亭林知此必恨當日之未能集思廣益有如是
也抑余又以爲攷覈者學問之全體學者所以學爲
人也故考覈在身心性命倫理族類之間而以讀書
之攷覈輔之今之言學者身心倫理不之務謂宋之
理學不足言謂漢之氣節不足尙別爲異說簣鼓後
生此又吾輩所當大爲之防者然則余之所望於九

能者勿以此自隘有志於攷覈之大而已矣嘉慶十
四年正月金壇段玉裁序

娛親雅言序

今海內文人學士窮年累月肆力於鉛槧孰不欲託
以不朽而每若有不敢必者予謂可以兩言決之曰
多讀書而已矣善讀書而已矣曾無萬卷書臆決倡
聲自夸心得縱其筆力亦足取快一時而溥澮之盈
涸可立待小夫驚而舌撝識者笑且齒冷此固難以
入作者之林矣亦有涉獵古今聞見奧博而性情偏
僻喜與前哲相鉏鋸說經必註鄭服論學先薄程朱
雖一孔之明非無可取而其強詞以取勝者特出於

門戶之私未可謂之善讀書也唐以前說部或托齊
諸諾臯之妄語或扇高唐洛浦之積波名目猥多大
方家所不屑道自宋沈存中吳虎臣洪景廬程泰之
孫季昭王伯厚諸公穿穴經史實事求是雖議論不
必盡同要皆從讀書中出異於游談不根之士故能
卓然成一家言而不得以稗官小說目之也若谿嚴
九能氏少負異才孺染家學所居芳椒堂聚書數千
卷多宋元槧本九能寢食於其閒漱其液而嚼其馥
中有所得質之尊人茂先翁許諾而謹書之積久成

表名之曰娛親雅言貽書乞予序其端夫古之娛親者牽車負米奔走千里契闊跋涉以謀菽水之歡而嚴氏之娛近在庭闈以圖籍爲兼珍以辯論爲舞綵此其娛殆有出於文繡膏粱之外者矣以讀書爲家法而取之富而擇之精吾惡能測九能之所至也哉

嘉慶元年歲在游兆執徐相月之望嘉定同學弟錢大昕書於吳門紫陽書院之春風亭

娛親雅言者吾友嚴九能承過庭之訓會粹參互爲書凡若干卷九能小子四十三歲而予交其父子間如紀羣之遊九能小時已結交多老蒼而予今年始識之蓋未嘗不恨相見之晚也九能天稟絕異生甫周晬卽能作眞草字其尊人茂先翁抱就案頭卽搏裊搨筆揮灑盈卷軸逮三四齡益放筆作擘窠大字求請者滿戶外雖素以善書名者多遜謝以爲不逮也九能旣知名於時大興朱石君尙書督學兩浙檄令就試補學官弟子員時九能年十六尙書評其卷

曰信筆塗雅卻無俗氣九能謂尙書知我向人每誦其評語其室人嵇金匱故大學士文恭公曾孫女也謂之曰朱公僅青君一矜而感若是使有進此者將何如矣九能曰非然也人情固甚喜譽而惡聞毀耳然譽之不當其可恥有甚於毀者夫天下不有感恩而未爲知己者乎如朱公乃真吾知己也九能善讀書有得輒隨手剖記務求真是年末三十著書已盈尺此雅言其一也夫顯親揚名古今所稱孝也九能不於是時務進取而顧操三寸管但頭著書思以求

親娛論者多以爲過雖然經不曰立身行道揚名於後世以顯父母乎使置立身行道於不問而猥以掇上第躡要津當之亦淺之乎其言之矣然則九能之爲此未可厚非也且九能固非抱一經以老者九能不求於世世要不能忘九能然使九能爲當涂所物色置身通顯博取人間一切可歆可豔之事而其所以娛其親者正自在也而它何與焉學士餘姚盧紹弓先生詹事嘉定錢曉徵先生皆与九能爲忘年交而學士識九能尤蚤憶乾隆庚子學士以祝

釐至京師予每与洪稚存走奉講論學士輒爲嘉與
嘗語其女夫李翰林東采曰吾此次入春明覺後來
英俊頗咄咄逼人稚存今已貴矣予則年景向盡無
可著見有媿知己之言而竊喜於同岑臭味得九能
之張吾軍也於是乎書嘉慶三年七月吳蘭庭

右娛親雅言若干卷吾友嚴九能氏之所作也襍家
者流自古有之至唐宋而寢盛予於唐得四家焉曰
顏氏匡繆李氏資暇蘇氏演義邛氏兼明於宋得四
家焉曰沈氏筆談洪氏隨筆王氏叢書王氏紀聞此
八書者皆足爲攷鏡之資而曲阜浚儀兩家最善以
其長於經也夫學不本於經無足觀者今讀九能之
書其於經也鈎覈異同宣釋疑滯如庖丁解牛排擊
割剝皆中理解於爾雅尤多所發明徃徃補郭氏所
未備其它論議亦俱不苟抑顏王之流亞歟其可槩

以雜家目之哉又備舉同時商訂之語著於下方雖
鄙人管見亦所不廢其虚心納善不可及也至以娛
親名書更見天性肫薦不徒擅好古博雅之稱矣寫
既成德清徐養原新田甫書後時嘉慶七年一月也

九能寄示娛親雅言讀竟率成卽題卷首

平生子嚴子制行秉卓犖甘旨奉高堂娛親願已足

有田二頃餘力耕不求祿家近白蘋洲臨流愛卜築

誅茅八九間託契松與竹家世富藏書插架萬千軸

永日長閉門鉛槧不離握論學窮根株經心昭亭毒

三蒼拜五雅鉤析露隱伏海內徵耆儒盧

學士錢詹文弨

大列睂目君与之切劘兩公皆歎服同時得數子

謂孫

侍御志祖徐上舍蒼原臧秀才鏞堂許兵曹宗彥

鄭學皆精熟君與之議論

上下共馳逐昨秋買櫓來襍被同園宿

予館於王氏同園君來杭

亦寓與君初識面傾心訴衷曲相見語畱連相思書
於此律復君年未三十我墓已拱木投分稱忘年不讓古
賢獨寄我所著書談理如炳燭細字紛牛毛老眼摩
挲讀君身涉世淺君心衛道篤君抱幽憂疾意思多
含蓄我欲剖君懷知君心未欲撫卷倚踟躕有句不
得續 正觀拜上時年七十有九己未六月廿八日

久未得聆塵論正淡飢渴之思忽奉手函如親謦欬
循環雜誦欣喜無已大兄胸羅七略博而能精所有
劄記第匆匆未卽竟讀大抵皆有關係經史之言而以
娛親標目尤足徵弓冶箕裘之自善門餘慶可敬尤
可羨也第今歲仍在吳門婁東則述菴司寇現在假
館來札乃傳聞之誤耳長夏無事當以尊著消永日
冀衰鈍健忘得受紺珠之益承委弁言容徐握筆但
恐不足爲三都增重尔蒙惠硯墨法帖竝古香可愛
而翰苑集尤爲希有之本苜蓿齋中遂尔暴富感媿

豈有既耶率筆致謝兼候近好不戢尊大人前希候
安九能大兄先生弟大昕頓首六月五日

季夏承示雅言三卷放證精核不媿作者茲復誦弟
四卷益欽譔述之勤拙序已經脫藁緣付來紙格一
時檢尋未得另寫一本呈上俟尋得後再錄一本奉
寄何如大製諷誦再四其中有芻蕘之見粘簽以備
采擇於糾正宋儒處尙希詞意含蓄爲妙弟於經典
詁訓薦信漢儒不喜後來新說然亦未嘗輕議宋儒
者是非久而自明專尙攻訐非長厚之道徒足取駭

於俗目併望同志共守此約耳夷堅志第向未見善
本今聞尊架有之快甚道遠不敢告借乞大兄將每
集自序各鈔一通寄示弟曾爲三洪公年譜故欲得
之以勘文敏蹤迹耳專此奉復不盡覲縷尊大人前
希請安九能大兄先生弟錢大昕頓首七月廿七日
得手札知去月所寄已到弟前所製序稿本擬載入
拙集中底稿見存毋庸寫寄外附到廿二史攷異全
部及通鑑注辯正其中或有舛譌希校正見示順候
九能大兄尊大人前希致候弟大昕頓首七月十一

日

別後卽擬往嘉興月初忽得寒疾今已全好然烈暑
可畏不敢出門近惟九兄侍奉多福已抑心試舉子
業否承命跋娛親雅言苦無精思率具別紙未知得
繩削存之否拙詩奉到十本又九域志五本別有跋
語呈教抑有請者尊著或有道及是書者望隱約見
是書所由來第勿鑿鑿言之可耳雲貞書附繳卽請
尊大人福安闔眷近好愚弟吳蘭庭頓首六月十七

日

同學愚弟段玉裁頓首上九能九兄先生執事自與
抱經遊耳吾兄名上年臧在東道及大箸憾不得見
豈意虛懷賜讀感何如之弟自正月杪赴金壇至四
月初乃歸得三賜手書何下而恭也再披二冊觀之
觸目琳琅美不勝收爲之狂喜惜弟祖塋訟事未終
而賤內又病臥以致家務棼如亂絲不能專心細讀
然又不忍捨也故遵盛意畱此以俟卒業先馳陳佩
服鄙意於左右惟鑒原之新冊竹汀未送來竹汀近
日回嘉定矣如駕來吳弟住下津橋上塘打銅弄艸

艸作札不盡勞積也敬請尊大人近安並吾兄近安
四月初六日玉裁再拜

段玉裁頓首上九能九兄先生執事初歸時曾泐一
札意欲畱尊著細讀而家冗紛紛又兼先塋事未了
須至金壇完結恐稽延多日而又無暇從容展玩也
輒仍送高橋貴友處奉還祈察收爲幸蓋弟精力早
衰又苦俗事故耳倘駕到蘇牽相晤爲屬敬候近安
不一一玉裁再拜四月十六

月之十日接奉手教敬悉種種閉門避暑捧誦尊製

鄙人又得聞所未聞此二冊已經三巨眼鑒閱第何
敢再妄下一語只就其中尤精闢者加一圈於下方
以識佩服之誠偶附小籤一二知不足當墜露輕塵
之助也大兄鴻著已有十六卷何不抽取精確之條
詮次前後另錄清本以待剞劂不亦善乎廣伯兄遺
著至今未得一見不勝惘惘以抱經先生聲望其文
集經諸人斟酌其付梓經諸人欣助尙不能到眼細
讀何況餘子吾輩當以此爲棒悟館年鑽紙也是一
番辛苦若不手自校檢知復何冀大兄以爲然乎否

乎拙著瞥記惜不能呈政左右容晤時叩懇誨益也
肇敏一條已補入揮汗草草不莊不備順候近安九
能大兄先生師事學弟梁玉繩頓首六月十六日
伏讀大著議論平正放訂精詳堪與鍾山龍城兩札
記方駕而文繁理富則過之矣乃蒙嚴論督責必欲
弟獻其管見竊不自量閒有封注謹簽記於各條之
右浹苦無書檢閱又爲日期所限其於大著實無所
發明不過聊以塞責已耳弟所注有大紕繆處乞九
兄卽爲揭去以滅其迹幸甚感甚專此奉復并候近

社不一芳茱九兄足下教小弟期周中孚頓首廿五日

讀大著幾及兩旬始得卒業固由弟之魯鈍亦以吾兄攷據精詳援引奧博迥非尋常說部可一覽而盡者比也管見數十則淺陋疎略恐不足備采擇惟高明審定如有甚可笑者卽刪去之滅迹之言在周君則爲虛心在弟則爲實願也其間尤辭累句亦祈棻削禱切禱切專此布候福安不旣茱堂大兄先生我師教小弟徐養原頓首十二月六日

久不見表弟淡切繫思得來札奉稔近履安和端居
力學纂述前修覃思攷索甚爲欽伫尊著娛親雅言
雖尙未得見然以竹汀宮詹之文觀之推挹甚至非
甚精審何以得此於前輩哉卽望惠示以豁蒙滯爲
幸其書名鄙意稍有所疑雅言與娛親似不甚融洽
或足下別有所本則可鄙意以爲不如竟名娛親錄
何如望酌之至垂詢愚之近狀殊無足爲表弟道者
學問一事雖不甘爲俗間蕪陋之業而讀書不多見
聞有限縱有所見亦姑存之以俟它日審定自分非

五六十歲後不敢出以示人博學精思如足下愚所
極欲就正者而無如於心先不能自信又安敢質之
高明耶家君近在邑中時多冬底或一到省耳表弟
何時來省得一暢譚耶順泐敬候姑夫大人起居并
候表弟文履弟婦閭祉九月初五日宗彥頓首

[illegible]

娛親雅言自序

元照幼而蠢愚獨學無友儼於學問之道乾隆癸丑
始得覲餘姚學士盧先生先生不惜教誨示之軌則
元照微有知於古人故訓之學實基於此徃還兩載
而先生歿維時已識嘉定少詹錢先生顧未倥請益
嘉慶丙辰端居多暇仿古人掌錄之意掇拾所聞得
書四五十翻其時先人年六十三患河魚之疾思
以此娛之因以娛親名書其曰雅言先君所定名
也錄寄錢先生求正定之先生爲之指瑕紕繆且畀

之以序記當日錢先生書返元照就 先君牀頭誦
其序 先君聽畢大喜諭元照曰錢公文真良藥也
吾疾且半瘳矣自時厥後日從事於茲每成一卷輒
走使傳觀冀聞闕失積累既夥寢芟寢改藁凡數易
如是者五年而 先君之疾卒不瘳遂有庚申六月
十三日之變苦出之中不復問所業又三四年而室
家之既漸生骨肉猜嫌外虹內潰元照孑然以孤露
之餘生憂傷疾疢相嬲乎終歲楮柱門戶既已良苦
而所生之不才子曰從而撓之元照自顧揅歿無策

奚俛更問其它然蒙先君之休蔭仗親知之匡濟

此身竟至今存而遷兒之生正在乙丑之秋元照處

風雨飄搖之境而不敢謝去人事置身於溪山絕谷

之中者徒以先考妣之未葬老母之尙存也而

能自慰安此心忍而至於今者則以吾遷兒在也外

兄德清蔡慶占景光憐元照之窮於丙寅之秋爲置

屋餘不谿俾遷兒母子居之季冬之月元照乃買地

川三圩安葬先考妣五匱并營母氏生壙一歲之

中再舉艱重心神告頓然而奠以安生始念已不及

此區區之心於焉少慰苟安媮樂刪次舊藁擇夫說經之語出於己而不背乎古者錄存六卷仁和宋德

輝

咸熙

寓書索藁本遂以舊藁詒之於是元照年已

卅五去先君之弃養二百有卅四旬矣豈不痛哉

若夫學問之事非元照所敢議也昭代百餘年間

名儒輩出揆索鉤稽巨細精牘罔有不盡其著者無

論已同儕中元照所得間緒論者如同縣楊傳九

鳳

苞德清徐新田

養原

海甯錢廣伯

穫

元和顧千里

廣

圻

李尙之

銳

武進臧在東

鏞堂

德清許子詠

宗彥

之

流其學皆倍蓰於元照然廣伯以蚤世無書傳九嬾
病未及成書餘數君則鄭重不冝輕出其書元照之
不敏獨先以書自見甯無汗下然而不能自己者有
兩端曷元照生四年而入塾計在塾之年十有四此
十四年中知耗我先君之心力幾何而元照之所
以償我先君十四年之心力者一衿之外僅此數
卷書燬而弃之則先君之心力盡爲虛擲此寫定
之故一也盧先生始發元照之矇一見卽曰吾畏友
又曰足下定可傳甲寅之秋扶病來石冢畱數日而

去時年已七十八先生歿後元照通書於金壇段君
段君荅書曰自與抱經游耳吾兄名知先生生前遊
揚賤名如此錢先生不苟稱許人獨於元照不惜假
借再三元照於兩先生雖未嘗侍函丈稱師弟子然
而推原求委不敢忘所自也今兩先生皆已謝世元
照方以廢學負知己爲媿此書不存益懼無以報兩
先生且諸子商榷之功亦隱而不見矣此寫定之故
二也若夫遷兒之讀父書固所願也然非元照涼德
之人所敢望也寫旣竣乃書其緣起於簡端以志吾

痛云

大清嘉慶十二年歲在彊梧
夏安陽月初八日丙子
歸安嚴元照書於餘不谿館

娛親雅言目

卷一

周易 尙書

卷二

毛詩

卷三

周禮 儀禮 禮記 大戴禮附

卷四

左傳 國語附 公羊 穀梁

卷五

論語

孝經

孟子

卷六

爾雅

娛親雅言卷一

歸安嚴元照

周易

乾九三夕惕若厲无咎惕若猶出涕沱若戚嗟若用
史巫紛若之例當於若字句絕然自淮南子以至
唐宋皆以若厲爲句朱子本義始更定之閤百詩
謂證以文言雖危无咎之文知句讀斷宜如是閤
說誠是然閤以古讀爲誤則亦非也夫行文與說
經不同行文意在順辭不憚裁翦如舉善而教不

能則勸自當以不能上屬而漢魏人有以四字爲

句者

見翟氏論語攷異錢氏三國志攷異

夫子之言性與天道本一

句也而唐人離爲兩句

見翟氏攷異

必也聖乎堯舜其

猶病諸聖乎上屬而白虎通

聖人

引文以聖乎堯舜

爲句固天縱之將聖又多能乎將聖上屬而風俗

通義

過譽

引固天縱之以將聖下屬唐人亦承用之

又如漢書敘傳

下

云蓋均無貧遵王之法引用成

文不去蓋字餘如友于刑于色斯騶斯皆其例也

古人豈不知雖危无咎之文乃所以釋厲无咎者

乎東晉古文尙書不審此義沿襲此文乃曰怵惕

維厲以漢魏行文裁翦之句法入之典詰則可笑

矣

許子詠云以若字斷句雖始於魏子然按孔疏謂按上下文勢若字宜爲語辭則孔意亦以若

字爲句但不確言耳徐新田云養原案彖曰大哉乾元豈以乾元爲句乎

師貞丈人吉相承貞字句絕元照案周禮

春官天府

注云

問事於正曰貞鄭司農云貞問也易曰師貞丈人

吉問於丈人又

大注

云貞之爲問問於正者必先

正之乃從問焉易曰師貞丈人吉是二鄭皆以貞

字下屬然彖傳曰師眾也貞正也能以眾正可以

王矣似與貞問義不協故康成引其說於周禮而
注易則不從之也惠氏棟周易述亦以貞丈人爲
句而不作貞問解

師彖傳曰以此毒天下而民從之馬融云毒治也元

照案莊子

人間世

云無門無毒郭象亦訓治毒與督

通故有治義又案德經

養德

云畜之長之育之亨之

毒之養之覆之釋文云毒亦作育據此則毒有長

養之義以此解易則與象傳容民畜眾之義更合

泰九三无平不陂釋文載彼僞彼何兩音元照案離

騷循繩墨而不頗王逸云頗傾也易曰無平不頗
是漢易作頗讀彼何反爲合洪範無偏無頗唐元
宗詔改爲陂易之頗字不知何人私改逞臆亂經
固有不謀而合如此者 樂記商亂則陂注云陂
傾也易曰無平不陂元照疑經注陂字皆後儒所
改

帝乙歸妹兩見荀爽對策引之云言湯以娶禮歸其
妹於其諸侯也

後漢書
本傳

虞翻則以帝乙爲紂父元

照案左哀九年傳趙鞅卜救鄭陽虎以周易筮之

遇泰之需曰宋方吉不可與也微子啟帝乙之元子也宋鄭甥舅也祉祿也若帝乙之元子歸妹而有吉祿我安得吉也此與虞說合荀說非古義也

錢少詹云大昕樂易乾鑿度云易之帝乙爲成湯此荀慈明所本

復初九不遠復无祗悔釋文祗从氏非也此當从氏

氏是通用故王肅作禠坎九五祗既平京房亦作

禠也

釋文

氏有支音故九家作敎爾雅

釋文

訓底爲病

祗卽底之通借故鄭君訓祗爲病詩俾我祗兮

小雅

何人

傳亦訓爲病也後漢書郎顗傳思過念咎務

消祇悔與鄭義合韓伯訓大

章懷注同

於古無徵

爾雅釋文

从疒亦从氏據說文正之

徐新出云養原案疒

卽瘡字訓病祇字雖亦訓病與疒字義同音異唯

無將大車當作疒白華何人斯

俱當作祇今白華作疒誤也

大畜彖傳剛健篤實輝光日新其德鄭虞皆以輝光

日新爲句王弼以日新其德爲句惠氏周易本義

辯證歷引漢書禮樂志度尙碑文心雕龍張華勵

志詩以申鄭讀元照案漢書王莽傳

上

陳崇等奏

莽功德有疊疊翼翼日新其德之文是西京師讀

已有此句法非王弼臆定也而惠半農以爲宋儒

所改更誤

習坎虞翻云習常也陸績云習重也元照案左哀十年傳卜不襲吉大禹謨古文卜不習吉杜預訓襲爲重孔傳訓習爲因因重之義一也故繫辭傳曰因而重之尙書正義云表記云卜筮不相襲鄭云襲因也然則習與襲同

齊竟陵王行狀龜謀襲吉李善注襲與習通

又

案周官

地官胥

襲其不正者注故書襲爲習士器禮

禘者以褶注古文褶爲襲此皆習襲通用之徵彖曰習坎重險也以重訓習以險訓坎陸說得之王

彌以便習爲說較之於虞尤無當矣錢少詹云陸
訓習爲重極

鼎九四鼎折足覆公餗其形渥鄭本作刑劇
徐新田云養原

案釋文渥鄭作劇不言形作刑蓋
鄭本經文亦作形其讀則爲刑耳其注云臣下曠

官失君之美道當刑之於屋中元照案周官甸師

天官云王之同姓有皐則死刑焉掌囚
秋官云凡有爵

者與王之同族奉而適甸師氏以待刑殺戮
秋官

云唯王之同族與有爵者殺之于甸師氏司烜氏

之屋誅卽誅有爵者與王同族故注云屋讀若其

刑剭之剭剭謂所殺不於市而以適甸師氏漢

書敘傳

下

底剭鼎臣言哀帝誅朱博之屬也服虔

曰周禮有屋誅誅大臣於屋下不露也易曰鼎折

足其形渥凶

服義同鄭則必作剭茲仍毛本

又五經異義云易曰

鼎折足覆公餗其刑渥凶無刑不上大夫之事

禮曲

正義

引許服之說均與鄭同蓋九四近君大臣之象

故其象如此證以敘傳則孟堅亦同於鄭也荀虞

作渥

鼂說之謂京荀虞皆作剭京則未可知訓若荀虞之說具載李氏集解未嘗作剭也

訓

爲厚大雖與許鄭不同而其訓刑則未嘗異也至

王弼以爲形色之形渥丹之渥乃無稽之言矣
又案刑之於屋下故其字从刀从屋於六書則屬
形聲而兼指事者亦經師增益之字非說文所有
周禮古文也故作屋

旅初六斯其所取裁王弼注爲斯賤之役郭京易舉
正謂斯合作𠂔困學記聞一云後漢左雄傳職斯

祿薄注云斯賤也不必改𠂔字元照案斯之爲言

離也

爾雅
釋言

析也

說文
斤部

史記張耳陳餘列傳有斯養

卒韋昭曰析薪爲斯然則名之曰斯正取析義毋

庸加偏旁也今史漢斯字或从广或从广與从人

者皆俗字

臧在東云易舉正之言殆無一是者

繫辭

下何以守位曰人釋文云王肅卞伯玉桓元明

惛紹作仁正義本作仁云言聖人何以保守其位
必信仁愛故言曰仁也韓伯於此無注故陸孔各
據其本而爲說元照案東京賦守位以人不恃隘
害薛綜注人謂眾庶也下云苟民志之不諒何云
巖險與襟帶此申釋守位以人之義也李善引易
從王卞本乖其意也又三國志高堂隆傳引此四

語而繼之曰然則士民者乃國家之鎮也穀帛者

乃士民之命也此與東京賦皆古本之證毛刻三國志作

仁蓋守位以人聚人以財二語本相承而下朱子

本義作人合於古矣

繫辭下以佃以漁釋文音魚又言庶反元照案淮南

道原期年而漁者爭處湍瀨高誘注漁讀告語又時

命漁師始漁又說漁者走淵注皆云漁讀論語之

語言庶一音乃漢儒舊讀然玉篇無此音廣韵上

去聲亦不收漁字則此音失傳久矣集韵有牛據

反一音類篇九御部亦收漁字卽本之釋文也

襍卦傳大過顛也鄭注云自此以下卦旨不協似鎔
亂失正弗敢改耳朱子亦以大過以下卦不反對
疑其鎔簡而云以韵協之又似非誤未詳何義元
照案大過與頤姤與夬漸與歸妹旣濟與未濟皆
相反對特參互其文耳未嘗鎔亂蘇氏傳經改易
其次第而不知其不諧於韵明陳第所改於韵雖
諧然塗竄經文豈非武斷皆失審慎之意

六經之殘闕者尙書爲甚其屢經矯亂者亦唯尙書

爲甚秦火無論已漢時立學官者伏氏今文也孔
壁古文唯行於民間逮東晉古文行而孔氏真古
文遂晦此一厄也唐人撰正義遵用孔傳而真古
文馬鄭之注盡亡此又一厄也然東晉古文猶有
古字至天寶時詔衛包改古文從今文其所定者
俗字居多此又一厄也然陸德明釋文尙在衛包
改後賴此猶存一二古字至宋開寶五年太子中
舍陳鄂奉詔棐定釋文合於衛包所定之本此又
一厄也蓋至是而梅氏書之舊文亦棐除殆盡矣

唯正義成於永徽中在開元之前當時正義單行
不與經注相屬故猶得不改後人非不欲改合經
文無如文解不能盡改間存一二然亦僅矣。困
學紀聞二云宣和六年詔洪範復從舊文以陂爲
頗然監本未嘗復舊也又云咸平二年孫奭請摹
印古文尙書音義卽釋文元本與新定釋本卽陳本竝行
今亦不傳

漢書成帝紀陽朔二年詔引書曰黎民於蕃時雍此
蓋用歐陽尙書今文家說也蕃當訓繁庶應劭曰

言眾民於是變化用是大和也牽合古文爲說恐未允

方命圯族鄭注方讀曰放謂放棄教命江氏聲△注

云漢書傳喜朱博兩傳皆有放命圯族之文傳傳應劭

曰放棄是皆用此經語知漢人皆如此讀元照案

方命又見孟子梁惠王上趙岐曰方猶放也放棄不用

先王之命此又一證也夏官方相氏序官注方相猶言放想臧在東云漢

書放命今文尙書也鄭讀方爲放卽九能所云鄭注孔氏書所破讀者取諸歐陽夏侯也

納于大麓烈風雷雨弗迷馬鄭皆云麓山足也高誘

淮南族泰注云堯使舜入林麓之中遭大風雨不迷

也論衡吉驗云堯使舜入大麓之野虎狼不搏蝮蛇

不噬逢烈風疾雨行不迷惑又亂龍云舜以大德入

大麓之野虎狼不犯蟲蛇不害感類云舜入大麓烈風

雷雨風俗通義澤山云謹案尚書堯禪舜納于大麓

麓林屬於山者也元照案史記五帝本紀云堯使舜入

山林川澤暴風雷雨舜行不迷子長親從安國問

其所傳述孔氏古文之說故諸儒皆承用之王肅

注獨云麓錄也堯納舜於尊顯之官使大錄天下

萬機之政孔傳孔叢子

論書

之說與王肅同元照案

此歐陽夏侯今文家說也論衡

正說

云入于大麓烈

風雷雨不迷言大麓三公之位也居一公之位大

總錄二公之事眾多竝吉若疾風大雨此王仲任

引今文家說也

因已著於上文故不復標明

其自爲說則云令

人庶之野而觀其聖逢烈風疾雨終不迷惑又云

說家以爲譬喻增飾

此指眾多竝吉若疾風大雨之言

使事失正

是誠而不存曲折失意使僞說傳而不絕造說之

傳失之久矣仲任宗古文家言而駁當時博士之

說反復甚明又攷漢人用大麓如漢書

于定萬方國傳

之事大錄於君又

王莽傳上

陳崇奏莽功德云秉冢宰

職填安國家四海輻湊靡不得所書曰納于大麓

列風雷雨不迷公之謂矣又

王莽傳中

予前在大麓至

於攝假

師古注大麓者謂為大司馬宰衡時

後漢書

和熹鄧皇后記

劉毅上

書安帝云覽總大麓

章懷用王肅注

蔡邕楊秉碑統大麓

之重

顏氏家訓文章篇引

此所引用皆從今文說梅氏書既

託名孔氏而亦用今文其自露敗闕矣

孫監察云志祖嘗疑

偽孔傳孔叢子俱出王肅之手以此類證之可見
丁教授云鄭注尚書大傳大麓兼用此說而大

傳只云大麓之野歐陽夏侯未必訓麓為錄康成更不當兩岐再思之元照案伏氏今文家祖師鄭君本兼通古今文說注今文家書則今文之說有不容盡廢者故竝存之注經注傳體固不同也至歐陽夏侯訓麓為錄已明見論衡似無可疑

歸格于執祖馬融云藝禰也鄭注藝祖文祖元照案

史記

五帝本紀

云歸至于祖禰廟白虎通

三軍

云王者將

出辟于禰還格于祖禰者言子辟面之禮尊親之

義也尚書曰歸假于祖禰

諸本作藝祖今據下文及巡狩篇引正

又

云尚書言歸假于祖禰不見告於天知不告也

此說

正與鄭注反

又巡狩

云王者出必告廟何孝子出辟反面

事歿如事生尙書曰歸假于祖禰此皆季長之所

本也何劭公引書亦作祖禰

公羊隱八年

鄭義未詳

惟刑之恤哉孔傳以恤爲憂按史記

五帝本紀

云惟刑之

靜哉徐廣曰今文作謚元照案爾雅溢謚靜也

釋詁

說文謚靜語也

言部

詩閟宮有恤傳恤清淨也

魯說頌

文恤靜也

人部

溢謚恤音近通俗詩假以溢我

周頌

維天之命

左傳引作恤我

襄廿七年

廣韵引作謚我

七

是其

徵也

莊子齊物論以言其老洫也釋文本又作溢

子長以訓故代經其

義不可易孔傳非也漢書

刑法志

成帝詔引此文作

恤師古亦從孔傳循攷詔意以律令煩多日以益滋故使明習律令者議除死刑及可蠲除約省者其引此經正合靜義不當用傳說。江氏△注定經文作謚注云謚或爲卹疏云僞孔本作卹非古文而猶存其字於注者以流傳旣久故不敢沒其文江氏似未攷漢書亦作恤也

女后稷王氏

鳴盛

後案江氏△注皆作后稷江氏後

據宋本列女傳作女居稷因攷鄭注云女居稷官知鄭本作居著其說於續補註元照案論衡

骨相云

弃事堯爲司馬居稷官故爲后稷鄭君箋詩

魯頌閟宮

云后稷長大堯登用之使居稷官所云居稷皆用

堯典可爲江說之佐然江以后字爲主肅所改則

非也漢書百官公卿表敘十有二牧而云弃作后

稷應劭曰后主也爲此稷官之主也孟堅此文遵

周尙書后字豈屬私改若謂孟堅元文作居則應

氏不當訓主矣此蓋傳授異文未可偏據

徐新田云養原

案史記亦作汝后稷豈亦肅所改耶列女傳又云世世居稷官此卽國語所謂世后稷也豈國語后字亦當作居邪以居訓后

可也改后爲居則不可

白虎通

王者不臣

云尙書曰咨爾伯不言名也不名者貴

賢者而已其成先祖功德德加於百姓者也江氏
公注以此文列於逸文元照謂此卽堯典咨伯之
文也案堯典僉曰伯夷帝曰兪咨伯又伯拜稽首
古人文簡故不曰伯夷而曰伯恐無淡義否則十
二牧四岳官而不名又將何說且禹與弃契豈曰
不賢豈曰不貴何獨異於伯夷乎此雖古義未足
據依

論衡

語增

云經曰彌成五服五服五采服也元照案諸

儒說尙書無遵用此義者蓋今文博士家說也因
帝之命禹有五采作服之文故以五服爲五采之
服下又云服五采畫日月星辰則知其承上文而
言之惜其說至于五千木不可復詳矣

禹貢杔幹栝柏鄭注栝葉松身曰栝此用雅訓也爾
雅作檜說文亦同說文別有栝字與檜義異然說
文於杔字下引書亦作栝是許鄭同也元照案說
文栝从口耳省聲

隸變作古與
口古字溷

與會音義相埒故

可通僭詩

王風君子于役

曷其有佾傳佾會也又

小雅德車

音來括傳括會也

釋文本又作估

方言

十

姑嬀也說文

言部

話合會善言也籀文話从會作譚周禮

祝女

注禮猶

刮去也儀禮

士喪禮

注古文髻皆爲括釋名

兵

矢末

曰括括會也與弦會也道經

偃或

恬澹爲上釋文本

或作恬梁或音膾此皆可以爲徵

白虎通

號

引尙書不施予一人盧抱經先生云疑卽

盤庚不惕予一人以惕有它計切一音故亦可轉

爲施也元照案爾雅施

釋文作弛云顧謙本作施

易也

釋

施之

訓易義存乎聲說文錫亦作𪔐

舌部

也易古音相近

施从也聲惕从易聲故可互轉此爲盤庚異文無可疑者又攷鄭注盤庚云上篇盤庚爲臣時事王氏後案無以徵其說元照以此書所引尋其文義則知其與鄭同也其曰主者自謂一人者謙也欲言已材能當一人耳故論語曰百姓有過在予一人臣下謂之一人何亦所以尊主者也以天下之大四海之內所共尊者一人耳故尙書曰木施予一人此書引論語以證王者自稱予一人引尙書以證臣下稱之爲予一人若如孔傳則亦屬王者

自稱與論語復何別乎此可見鄭注非辨說也○
上文王若曰格女眾云云江氏人注從鄭注謂是
盤庚述王言若多士多方述成王命稱王若曰也
其說是也然王言而述之自臣下即可爲臣下稱
君之證古人引書徃徃如此

高宗彤日據史記則是祖庚嗣位之後祖已追述其
事而作者夫高宗廟號也或丁在位不得有廟號

則史記之說確矣

或疑康王之誥文侯之命康文
皆謚法此二篇豈亦非當時作

邪元照案篇名乃後來所定篇內固未嘗云康王
文侯也若高宗彤日則已見於篇經矣非此二篇

也比書序文簡故不詳言耳其爲武丁祭於湯廟有

雒雉之異而作則書序史記無異說也大傳亦同至金氏通鑑前編則謂是祖庚之時繹於高宗而有雒雉之異亦據史記以高宗彤日繫於祖庚時而發書傳會選從之元照案史記云帝武丁祭成湯明日有飛雉登鼎耳而响武丁懼祖已曰王勿憂先修政事祖已乃訓王曰云則史固有明文矣下云祖已嘉武丁之以祥雉爲德立其廟爲高宗遂作高宗彤日及訓是祖已在祖庚時追述先

王之事而作史文又甚明金氏未暇致詳遽立新說而亭林潛邛皆信爲定論何也

困學紀聞 二云左傳引商書曰沈潛剛克高明柔克洪範言惟十有三祀箕子不忘商也故謂之商書元照案不忘商之說自孔傳發之然非篤論也商祀周年著於爾雅然在當時亦未嘗畫一劉歆三統厯引伊訓云惟大甲元年此眞古文也是商未嘗不曰年也洪範稱祀正同此例若以箕子不忘商立說則洪範固周史臣之筆而非箕子所自作

者也逸周書鄭保小開柔武大開武小開武寶典
鄭謀諸篇皆稱祀其時尚未代商稱祀猶有說然
大匡文政兩篇皆云惟十有三祀與洪範文同此
復何解乎若記傳稱洪範爲商書固不止左傳亦
猶尙書大傳稱堯典爲唐傳說文心部引堯典稱唐
書之例也左傳引衛詩威儀棣棣襄卅一年邶也而謂
之衛亦此類耳皆不可據以立異○又案厚齋此
論亦有爲而發故又云陶淵明於義熙後但書甲
子亦箕子之志也陳咸用漢臘亦然此可以知其

立言之旨矣亭林論胡文定春秋傳謂以痛哭流涕之懷發標新領異之論其斯之謂歟

七稽疑曰驛古文作悌今文作圉賈逵校定作圉說

文口部圉下云圉同行也

商

兩徐本誤尚

書句曰

圉

句圉者兩徐本無者字

據廣韵引增升雲半有半無元照案

升雲半有半無乃許君釋圉之義說文繫傳困學紀聞皆云然其說是也洪邁毛晃說以圉圉升雲半有半無爲逸書之文閻百詩朱錫鬯惠半農皆承其誤。王肅注圉霍驛消滅如雲陰也孔傳驛

氣落驛不連屬竝用許義

孫監察云志祖案經文本作曰零曰圍其作蒙

驛者衛包所改耳疏文較煩且唐時本別行故不盡改也尚書中此類甚多賴有疏文可以徵驗如

幽洲本是州字

金滕公乃自以為功史記周本紀魯世家功作質元

照案爾雅功質成也

釋詁

其義同故下文乃得周公

所自以為功魯世家仍作功

大木斯拔正義云大木於此而拔以斯為此非也元

照案斯當訓盡詩

大雅皇矣

王赫斯怒箋斯盡也

正義云斯

盡釋言文案今爾雅無此文

檀弓注灰之言漸也消盡為漸釋

文云本又作斯又我喪也斯沾注斯盡也是斯有盡義魯世家云大木盡拔是明證也。釋文於斯之訓盡者皆音賜此因孔傳無明文故不作音

大誥厥子乃弗冒堂矧冒構孔傳釋堂構之義不甚

析元照謂此當以說文之義解之堂似不合作堂

基解也宜讀爲檜檜哀柱也

徐銓曰今俗作撐

作室之初

交互設哀柱所以防傾敝也構蓋也杜林以爲椽桷字室旣落成乃須蓋覆椽桷皆其物也此始易而終難者故以爲喻

鄭注康誥孟侯云依略說天子十八爲孟侯呼成王

也此從大傳之義漢書地理志下云封弟康叔號

曰孟侯與大傳義異孔傳亦以孟侯爲康叔元照

案呂覽正名云齊潛王周室之孟侯也高誘注孟長

也孟長釋詁文鄭注大傳以迎訓孟其義未詳案

之呂覽則解從漢書爲當

徐新田云養原案毛詩
鄘庸衛譜云封康叔於

衛使爲之長似康
成兼用古文說

顧亭林論柰何二字云始於五子之歌又引左傳曲

禮九歌諸書姚氏鼎左傳補注云柰何楚言也申

叔展遠啟疆楚人故有柰何字老莊屈宋皆有柰何固楚言然也漢高祖楚人於是漢人習其言非復楚語矣史記用之最多公羊曲禮皆漢經師口說故亦有之其實周人不言此也僞爲五子歌者不知其爲楚言而誤用之矣元照案僞古文五子之歌柰何不敬襲用洛誥曷其柰何弗敬顧氏不引洛誥殆偶忘之洛誥今文也安得謂周人不言柰何乎愚嘗謂辨古文尙書者自闕百詩而後頗有過於淡求而反授人以口實者如此類是也書

於此以見立論不蘄乎新而蘄乎確錢少詹云說經不蘄乎新
而蘄乎確此古今不易之論宋儒之病亦在求新

多士罔不明德恤祀傳云憂念齋敬奉其祭祀元照

案恤當訓愼爾雅愼神溢愼也

釋詁

溢與恤通詩假

以溢我

周頌維天之命

左傳引作何以恤我

襄廿七年

是其證

也召誥曰毖祀于上下傳以爲愼祀恤祀猶愼祀也又召誥上下勤恤亦勤愼之義傳云勤憂敬德亦非

呂刑耄荒釋文云字又作耄元照案耄卽耄之俗體

羣經音辨

禾部

云耗老也音耄書王耗荒鄭康成讀

是鄭本尙書作耗而破爲耄其注必曰耗當爲耄

老也惜無攷矣

周官大司寇注引書作耄此從破引之

宋初或鄭注

未亾或釋文原本尙存

今本尙書釋文乃開寶中陳鄂所槧定者

故賈

得據之要非妄造也王氏後案以耗字無義謂鄭

必作眊元照謂經典傳授異同大都以形聲相涉

之故初不論義之合否禹貢沿于江海鄭本沿作

松松之誤明甚然鄭猶未經改但注曰松讀曰沿

而已沿之爲松較之耄之爲耗不更無義乎安見

鄭本之必不作耗邪云鄭必作𦵏其所據者說文也
也許鄭師承不同說文引經多與鄭異似未可懸

斷鄭本同許耳

徐新田云養原案鄭注周禮大司寇禮記樂記皆引王耄荒據二禮

釋文皆作旄荒是鄭本實作旄也鄭注尙書宋初當己不傳而禮注蓋有誤作耗者故賈氏采入音辨今本禮注旄皆作耄而注疏內所載釋文亦改作耄非釋文單行本竟無由知鄭本之作旄矣錢少詹云鄙意亦疑爲旄之誤得徐君說引據精確無可易矣又云曲禮八十九曰耄射義耄期稱道釋文皆作旄段懋堂明府云賈所引者卽大司寇注之書其全書皆類此宋板周禮作耗者卽賈之耗也耗今音好去聲古音毛去聲假借亦無疑也

文侯之命父義和傳云稱父者非一人故以字別之

正義云文侯爲侯伯天子當呼爲伯父此不云伯

而直稱父者尤親之也

毛詩禮記正義皆同

元照案叔虞成

王之弟也成王至平王十一世叔虞至文侯十世

文侯平王之族父也故以父稱之逸周書

祭公

王若

曰祖祭公孔鼂注祭公周公之後昭穆於穆王在

祖列是父祖之稱皆從其輩行與同姓大國稱伯

父之義無涉傳謂稱父者非一人明乎凡屬父行

皆稱父也正義失之矣

旅弓一旅矢百元照案依義當作驢驢旅聲相近

詳惠

氏論語

古義 故古文假借作旅梅氏改旅爲旅正義云

旅字從元故爲黑也案旅从从从二人今从元从

𠂔𠂔不成字說文新附以旅附元部無理之尤者

也衛包又改作盧

經文已改正義尚作旅

較諸旅字少爲近

理又案左傳

僖廿八年

旅弓矢千釋文作旅云本或作

旅非也從俗字而毀古文殊謬

書序高宗夢𠂔

隸變作𠂔

說今本𠂔作得釋元應一切經

音義兩引俱作𠂔

大方廣佛華嚴經一妙法蓮華經一

𠂔爲得之

古文此亦衛包所改釋文爲陳鄂竄亂故末由𠂔

究

周人桀黎鄭注桀勝也義似易解而無確徵案說文

桀覆也从入桀桀黠也軍法曰桀

桀部

桀義當取諸

此

徐新田云養原案桀勝同音
段明府云此條甚是不當刪

白虎通

爵

云何以知帝亦稱天子也以法天下也中

候曰天子臣放勛書亡逸篇曰厥兆天子爵抱經

先生云書亡逸之篇也今尙書大傳無佚有此文

蓋後人竄入不足據也後先生得宋元刻本校之

則皆無亡字但稱逸書尤足爲徵丁小雅教授云

白虎通引此以證帝稱天子古唯唐虞稱帝其文
當在二典今堯典旣無此文則爲舜典逸文無可
疑也江氏△注乃強改無逸篇以就此文

見續補說失

之不審矣。江氏云△之與逸漢人必分言之如
孔氏二十四篇則目爲逸書若橐飮帝告釐沃等
篇孔氏亦未有者乃爲△篇然則△者不稱逸逸
者不稱△也許子詠云郊特牲疏引大傳中大社
惟松五語亦稱尙書△逸篇

周書嘉禾篇伏孔今古文皆無之唯漢書王莽傳

上

引書逸嘉禾篇曰周公奉鬯立于阼階延登贊曰
假王莅政勤和天下共二十字莽因此遂稱假皇
帝其飾經舞禮誠不待辯然所引書則非僞也元
照案高宗彤日惟先格王正厥事漢書成帝紀五
行志七中孔光傳外戚傳下續漢書律歷志中引
皆作假王假格古今字假王不獨見於周書也孔
傳以格爲至解爲至道之王師古五行志注以假
爲大解爲大道之王其義一也周書假王之義當
亦同此惠氏儀禮古義引此文云假讀若格至也

江叔灋惠之弟子其尙書△注背其師而從莽說
過矣○書序唐叔得禾異畝同穎獻諸天子王命
唐叔歸周公於東作歸禾周公旣得命禾旅天子
之命作嘉禾是禾也成王之所饋時周公居東非
居攝之時周公受成王秬鬯則禋于文王武王其
受禾也亦必禋于文或今所引者乃禋祭時之文
稱成王曰假王歸美於君也